

醫

學

綱

目

醫學綱目卷之二十七

肺大腸部

喘 喘不得臥 產後喘 短氣 少氣

凡治嗽 未發以扶正氣爲要 已發以攻邪氣爲主

嘗治一中年男子久嗽每發時不食數日聲嘶四鄰百  
治不効脈寸沉伏關滑遂於未發時用人參白朮當歸地  
黃以姜汁制之瓜蒌實陳皮茯苓黃芩黃連乾姜些少煎  
湯下青礞石丸將發時先用神秘沉香丸下之次與前藥  
中加杏仁枳實蘇葉倍瓜蒌實煎服一月後証減十分之  
八後遂守此方漸安凡治數人皆以此法加減治之皆得  
大効 氣虛短氣而喘有痰亦短氣而喘不可用苦寒之  
藥火氣盛故也宜導痰湯加干縹湯 陰虛自少腹下火  
起衝於上而喘者宜降心火補陰 有火炎上者宜降心  
火清肺金 有痰者宜降痰下氣爲主 上氣喘而躁者

為肺脹欲作風水症宜發汗則愈 有陰虛挾痰喘者四  
物湯加枳殼半夏補陰降火 諸喘不止者用椒目研極  
細一二錢生姜湯調下切之氣虛不用 又法用蘿蔔子  
蒸熟為君皂角燒灰等分為末姜汁加煉蜜丸如小茱大  
每噙化五七十九切止之後因痰治痰因火治火 氣虛  
者用人參蜜炙黃栢麥冬地骨皮之類 氣實人因服黃  
芪過多而喘者用三拗湯以瀉氣若喘甚者須用阿膠  
若久病氣虛而發喘者宜阿膠人參五味補之 新病氣  
實而喘者宜桑白皮苦蔥瀉瀉之 治哮喘主于痰宜吐  
法不可用涼藥必帶表散

**四**肺脹膨脹而喘咳留膈滿壅感而上奔者於隨証用藥  
方中多加五味子人參次之麥門冬又次之黃連少許

如甚則交兩半而督者真氣大虛也若氣短加黃芪五味

子人參氣盛去五味子人參加黃芩荆芥穗冬月去荆芥  
穗加草薺薏仁

**仲** 火逆上氣咽喉不利止逆下氣宜麥門冬湯主之

麥門冬七升

半夏一升

人參四兩

甘草二兩

粳米三升

大棗十二枚

右六味以水一斗二升煮取六升溫服一升日三夜一

服

**經** 天門冬丸治婦人喘欬手足煩熱骨蒸寢汗口乾引飲  
面目浮腫

天門冬十兩

去心

麥門冬八兩

去心

生地三斤

取汁為膏

右三味為細末膏子為丸如桐子大每服五十九逍遙  
散下道遙散須去甘草加人參或與王氏博濟方人參  
荆芥散亦得如面腫不已經曰面腫因風故宜汗麻黃

桂枝可發其汗後與柴胡飲子去大黃然論曰治臍者  
治其臍治臍者治其合浮腫者治其經治臍者治其土  
也治合者亦治其土也如兵圍魏救趙之法也

**不**治欬嗽上氣喘急以人參一味爲耒鷄子清投新水調  
下一錢昔有二人同走一舍人參一不含俱走三五里許  
其不含者大喘含者氣息自如此乃人參之力也

右用門冬五味入參三味爲主治肺虛或自汗或少氣  
而喘蓋聖藥也

予治一婦人五十餘歲素有痰嗽忽一日大喘痰出如泉  
身汗如油脈浮而洪似命絕之狀予適在彼速用麥門冬  
四錢人參二錢五味一錢五分煎服一貼喘定汗止三貼  
後痰亦漸少再與前方內加瓜蒌仁一錢五分白朮當歸  
芍藥黃芩各一錢服二十餘貼而安此實麥門冬五味人

參之功也如自汗兼腹滿脈沉實而喘者裏實也宜下之

**四**上氣喘而躁者屬肺脹欲作風水發汗則愈 欬而上

氣此爲肺脹其人喘目如脫狀脈浮大者越婢加半夏湯

主之

麻黃六兩

石膏半斤

生姜三兩

大棗十五枚

甘草一兩

半夏半升

右六味以水六升先煮麻黃去上沫內諸藥煮取三升

分溫三服

**四七**三嬌喘遇冬則發此寒包熱也解表則熱自除

枳殼三錢

麻黃

防風

黃芩

桔梗各二錢

陳皮

木通

一錢半通利九竅治肺熱甚當

紫蘇五葉

右分四貼煎取小半盞熱飲之

治寒包熱而喘必用發散

半夏

枳殼炒

桔梗

黃芩炒

紫蘇

麻黃

杏仁

甘草

如天寒加桂枝

女子十二歲自小喘嗽

白朮

陳皮

青皮錢五

麻黃

茯苓

木通

片苓錢三

蒼朮

桔梗錢二

乾姜錢一

甘草錢五

一男子年一十四歲哮喘十日則發一遍此疾在上焦不得汗洩正當九月十月之交宜溫散仍與小胃丹佐之溫散加

麻黃

黃芩

每貼用一錢半入姜汁研細末以水盞半煎去渣飲之

每夜臨臥時與小胃丹十二粒津下之

溫飲方

**肺脹欬而上氣煩躁而喘脈浮者心下有水小青龍加石膏主之**

麻黃

芍藥

枝枝

細辛

甘草

乾姜各三錢

五味子

半夏各半升

石膏兩二

右九味以水一斗先煮麻黃去上沫內諸藥煎取三升

強人服一升羸者減之日三服小兒服四合

**麻黃定喘湯小兒寒鬱喘喉鳴腹內鳴堅滿鼻流清涕脈沉急而數**

麻黃

草薢

益智仁各一兩分半

甘草

歸身

紅花

黃芩生

柴胡稍各一分

升麻

神麩各五分

吳茱萸分二



蘇木分半

全蝎個一

右咬明分二服水二大盞煎至七分去香稍熟服食後忌風寒微微有汗効

麻黄蒼朮湯治秋暮冬天每夜連聲嗽不絕大喘至天明日高方緩口苦兩脇下痛臥而多驚驚悸肢節痛痰吐涎沫日晚呵欠不能飲食

柴胡根

羌活根

蒼朮各五分

麻黄分一

防風根

甘草根生

歸稍

黄芩各四分

熟甘草分三

五味子分九

葶藶分六

黄芪分一錢半

右分二貼水煎去渣稍熱服臨臥

右發表治喘前五方發寒包熱也後三方發外中皆寒也

四磨湯治七情鬱結上氣喘急

人參

檳榔

沉香

天台烏藥

右四味各濃磨水取七分煎一二沸放溫服加木香枳殼爲六磨湯有苦寒者加丁香桂亦可衍義云烏藥枳榔氣少走泄多但不甚剛猛與沉香同磨作湯治胃中氣膈甚高

右解鬱治喘

汗後不愈方

一婦人與前方發熱得汗而喘定夜半進少稀粥喘再

作心痞口乾與下方

半夏

枳實錢三

黃連

白朮錢二

木通

陳皮錢半

麻黃

紫蘇錢各一

甘草五分

脈通數者陰虛

右吹咀姜水煎服若陰虛痰喘急者補陰降火因物加

枳殼半夏

平江洗伯寧家豐好肉厚味每年到四月九月內必發氣喘擡有吐痰脈沉澁而細數諸醫用平肺之藥數年不愈如此者六七年用人參生地黃膏和雷歸牛膝肉苁蓉枸杞子五味子知母黃栢天門冬玄參末爲丸如桐子大每服百丸空心服以救肺虛又用阿魏黃連山查沉香牛黃辰砂膽星陳皮神麩糊爲丸如桐子大臨卧姜湯下三四十九治厚味服訖復用瓊玉膏一劑繼服之而安瓊玉膏方見後

察

治哮亦治積鷄子略敲損殺不損膜浸尿缸內三四

日臨夜煮食

海藏本草云陰不足者補之以米

腹滿喉沉實者

**喘則肺實**

已未八月中霖雨不止時承上命治不憊

吉及元帥夫人年踰五十身軀肥盛因飲酒及滄乳過腹脹喘滿聲聞舍外不得安臥大小便澁滯氣口脈大兩倍於人迎關脈沉緩而有力予思霖雨之濕飲食之熱濕熱

大盛上攻於肺神氣躁亂故爲喘滿邪氣入心則驚悸  
下之故制平氣散以下之

白牽牛

二兩半生牛熟  
以反頭末一兩

青皮

去白

檳榔

各三錢

陳皮

去白  
半兩

大黃

七錢

內經曰肺苦氣上逆急食苦以泄之故以白牽牛苦寒瀉  
氣分濕熱上攻喘滿故以爲君陳皮苦溫肺輕浮理其肺  
氣青皮苦辛平散肺中滯氣爲臣檳榔辛溫性沉重下痰  
降氣大黃苦寒瀉滌滿實故以爲使

右爲細末每服三錢煎生姜湯一大盞調下無時一服  
減半再服喘愈止有胸膈不利煩熱口乾時時咳嗽再  
與加減瀉白散

桑白皮

去

地骨皮

知母

陳皮

青皮

各去  
白

桔梗

去芦各  
五錢

黃芩

細剉  
半

甘草

炙各  
三錢

右件剉如麻豆大每服五錢水二大盞煎至一盞去查  
溫服食後數服良愈華陀云盛則爲喘減則爲枯活人  
云發喘者氣有餘也凡看文字須要會得本意盛而爲  
喘者非肺氣盛也喘爲氣有餘者亦非肺氣有餘也氣  
盛當認作氣衰有餘當認作不足肺氣果盛又爲有餘  
當清肅下行而不喘以其火入于肺衰與不足而爲喘  
焉故言盛者非言肺氣盛也言肺中之火盛也言有餘  
者非言肺氣有餘也言肺中之火有餘也故瀉肺以苦  
寒之劑非瀉肺也瀉肺中之火實補肺也用者不可不  
知

**羅** 視角利膈九治風勝痰實胸滿及喘滿咳嗽

皂角

一兩酥炙  
法去皮弦子

半夏

梔角

炒各  
半兩

牽牛

半兩

右同爲細末生薑汁麪糊丸如桐子大每服三十九食

後生薑湯送下

定喘餅子神驗

芫花醋浸一宿炒 桑白皮炒 吳茱萸炒 馬兜鈴

陳皮去白各一兩 寒食麪三兩 白牽牛三兩半生半炒取頭末二兩

右爲末和勻滴水丸如櫻桃大捏餅子取熟灰半碗在鍋內同炒餅子熟每夜服一餅嚼爛煎馬兜鈴湯下如患人心頭不快加上一餅或兩餅至微明利下神効婦人有胎不可服

洞虛子神秘沉香丸下痰喘方見痰飲門

吐下後不愈方

隔間支飲其人喘滿心下痞堅而色黧黑其脈沉緊得之數十日醫吐之不愈未防已湯主之虛者即愈實者三日復發與不愈者宜木防已湯去石膏加茯苓芒硝湯主

之

木防已

三兩

石膏

十二枚如鷄子大

桂枝

二兩

人參

四兩

右四味以水六升煮取二升分溫再服

木防已加茯苓芒硝湯方

木防已

桂枝

各二兩

人參

茯苓

芒硝

右五味水六升煮二升去查內芒硝再微煎分溫再服

微利即愈

喘急有風痰者婦人大全千緡湯

半夏

七個炮製

皂角

去皮

甘草

炙各四片

生姜

大如指

右用水一碗煮去半頓服一方不用甘草但用半夏末

發時有痰吐之消化之

一兩皂角去皮弦半兩生姜七片同入紗袋內水三升煎至一盞五分以手揉洗取清汁分作三服併服二服効

**四七湯**治痰涎咽喉中上氣喘逆甚効方見咽喉條即仲景治婦人經閉

中如有炙醋半夏厚於湯

**保**半夏丸治因傷風而痰作喘逆兀兀欲吐惡心欲倒

半夏兩一 栝榔錢三 雄黃錢三

右爲末姜汁浸蒸餅爲丸桐子大每服三十五丸姜湯

下小兒丸米大

**經**定喘化痰猪蹄甲四十九個淨洗控乾每個指甲內入

半夏白礬各一字裝罐子內封閉勿令烟出火煨通赤去

火毒細研入麝香一錢七有上喘咳嗽用糯米飲下小兒

五分至妙



發時有痰不出者服之

**治喘急用桔梗**一两半搗羅為末童便半升煎取四合去查溫服

凡治喘正發時無痰將愈時却吐痰者乃痰于正發之時閉塞不通而喘甚當于其時開其痰路則易安也宜此方枯梗之類及枳殼瓜蒌實杏仁蘇葉前胡等引出其痰候痰出喘退却調其虛實虛者補以參芪歸木實者瀉以沉香痰九之類是也

**人參半夏丸**化痰定喘

方見欬喘于平日用此方治又喘未發時服此丸已發時用流

香痰痰九微下之緊訪

**火喘用白虎湯加瓜蒌仁枳殼黃芩神効**

**雙玉散**治痰熱而喘痰湧如泉

寒水石 石膏各等

右細末人參湯下三錢食後服

支飲不得息用葶藶大寒瀉肺湯主之

方長陽通其  
物其性也亦人

寒疾

紫金丹治哮喘遇冷發者用之

精猪肉

三十

砒霜

明亮者一  
兩研細

右將肉切如骰子大用砒末入肉內拌勻分肉爲六分  
每分用紙筋黃泥包之用火烘令泥乾又用白炭火於  
無人處燬青烟出盡爲度放地上一宿研極細用湯浸  
蒸餅丸如棗豈大用茶清吞下大人二十九小兒十九  
量虛實用之

哮喘遇冷則發者有二証

其一屬中外皆寒治法乃東垣參蘇溫肺湯調中益氣加  
茱萸湯及此方紫金丹切寒痰者是也 其二屬寒包熱  
治法乃仲景丹溪用越婢加半夏湯等發表諸方之類及

食積

預於八九月未寒之時先用大承氣湯下其熱至冬寒時無熱可包自不發者是也

**清金丹**治哮喘遇厚味發者用之

藟腹子

淘淨蒸令熟晒  
乾為末一兩

猪牙皂角

火燒過以碗  
覆地上作灰

木三錢

右為末拌勻用姜汁浸蒸餅丸如羅蔔子大每服三十粒漫啣下一方切帶用姜汁蜜煉丸桐子大每七八十丸嚥下止之

**化痰丸**快脾順氣化痰消食治久喘或作或止者甚妙

半夏

洗

南星

去皮

白礬

皂角

切

生姜

右各一斤用水煮兩星無白點為度揀去皂角不用將生姜切作片同半夏兩星晒乾無日色火焙再加

青皮去穢

陳皮去白

紫蘇子炒

蘿蔔子炒

乾葛

杏仁去皮尖

神麩炒

麥蘆炒

山查

香附子去毛

右各半斤淨與前藥合和一處研為細末生姜汁浸蒸餅打糊為丸如桐子大每服五七十九臨卧食後茶湯送下

飲水多者參之

**四**病人飲水多必暴喘滿

**五**白朮散治夏月飲冷酒生痰膈滿

方見痰脚脾系

兼痛者

**六**喘而心痛油炒半夏為末粥丸姜湯下三十九

久嗽不已者吐之

哮喘必用吐法吐藥中用醋多不用涼藥

子和稀涎散

方見治法門上質系

**七**治喘用古文錢七個鹽梅七個水一盞同浸二宿每服

一呷空心良久吐出惡痰而効

寒熱

**固**病機云諸痿喘嘔皆屬于上辨云傷寒家論喘嘔以爲

肺痿心  
火刑肺

火熱者是明有餘之邪中於外寒變而爲熱心火太旺攻

肺故屬於上又云膏粱之人奉養太過及過愛小兒亦能

積熱于上而爲喘咳宜以甘寒之劑治之脈經又云肺盛

有餘則欬嗽上氣喘渴煩心胃滿短氣皆衝脈之火行于

氣從小  
腹衝上  
者衝脈  
之火

胃中而作也係在下焦非屬上也蓋雜病不足之邪起于

有餘病機之邪自是標本病傳多說飲食勞役喜怒不節

水穀之寒熱感則害人六腑皆由中氣不足其填脹腹滿

咳喘嘔食不下皆以大甘辛熱之劑治之則立已今立熱

喘寒喘二方于後

人參平肺散治心火刑肺傳爲肺痿欬喘嘔痰涎壅盛

胸膈痞悶咽嗑不利

桑白皮

知母

甘草

茯苓

地骨皮五

天門冬四

青皮三

五味子三

陳皮三

人參五

右咬咀只作一服水煎食後溫服如熱甚加黃芩四分  
紫蘇葉半夏各五分

喘受寒參蘇溫肺湯治形寒飲冷則傷肺喘煩心胃滿短氣不能

宣暢

人參

肉桂

甘草

木香

五味子

陳皮

半夏製

桑白皮

白朮

紫蘇葉各二兩

白茯苓一兩

右咬咀每服五錢水一盞半生姜三片煎至七分去渣

食後溫服如冬寒每服不去節麻黃半分先煎去沫下

諸藥

痰補喘有陰虛自小腹下火起而上者亦有痰火衝上者宜

四物湯加 青黛 竹瀝 陳皮入童便煎服

水垣分  
冬熱夏

**垣**調中益氣湯加減法

方見治  
虛實條

寒

如秋冬月胃脈四道爲衝脈所逆并脇下少陽脈二道而反上行病名曰厥逆其証氣上衝咽不得息而喘息有音不得臥加茱萸五分或一錢湯洗去苦觀厥氣多少而用之如夏月有此証爲大熱也蓋此証隨四時爲寒熱溫涼宜以酒黃連酒黃栢酒知母各等分爲細末熟湯丸如桐子大每服二百丸白湯送下空心服仍多飲熱湯服畢少時便以美食壓之使不得胃中停留直至下元以瀉衝脈之邪也大抵治飲食勞倦所得之病乃虛勞七損証也當用溫平甘多辛少之藥治之是其本法也如時上見寒熱病四時症也又或將理不如法或酒食過多或辛熱之食作病或寒冷之食作病或居

大寒大熱之處益其病當臨時制宜暫用大寒大熱治法而取効此從權也不可以得効之故而久用之必致夭橫矣黃帝針經曰從下上者引而去之上氣不足推而揚之蓋上氣者心肺上焦之氣陽病在陰從陰引陽宜以入腎肝下焦之藥引甘多辛少之藥使升發脾胃之氣又從而去邪氣於腠理皮毛也又曰視前痛者當先取之是先以繆刺瀉其經絡之壅塞者爲血凝而不流故先取之而後治他病

加減瀉白散治陰氣在下陽氣在上咳嘔喘促

桑白皮兩

青皮二兩

茯苓錢三

地骨皮錢七

甘草

陳皮

五味

人參絡五

右咬咀每服四錢水一盞半入粳米數十粒同煎去渣溫服食後



行動則平居則氣平和行動則氣促而喘者亦衝脈之火子族兄  
喘者非衝脈之火六旬有餘素有喘証或嘔吐血痰平居時則不喘稍行動

則氣促喘急以黃栢知母滋腎丸空心服七八十九其証

大減此黃栢知母能泄衝脈之火者如此効也

汚血

治卒上氣喘鳴息便欲死者研韭汁飲一升瘥蓋韭去

胃中惡血滯氣

主上氣咳嗽胃膈妨滿氣喘薏仁二兩去皮尖以水一

升研取汁和粳米二合煮粥食之

頭昏傷

諸氣積鬱皆屬于肺

全文見証○王註云  
憤謂商鬱奔迫也

治肺氣喘嗽馬兜鈴二兩只用裏面子去殼秋石半兩

入碗內和勻慢火炒乾甘草一兩炙二味爲末一錢水一

盞煎六分溫呷以藥末含嚥津亦得

衍義云治  
肺氣愈

加減三奇湯治咳氣喘上氣痰涎喘促胃膈不利

桔梗

半夏

陳皮

甘草

青皮

杏仁

人參

五味子各等分

右咬咀每服四錢水二盞姜二片煎至一盞去渣通口食後服

**紫參散** 治形寒欲冷傷肺喘促痰涎不得安卧

粟殼一兩蜜炒黃色 麻黃

桔梗

紫參

甘草炙 五味各五錢

右咬咀每服四錢水二盞姜三片同煎去渣食後服

**清金湯** 治男婦不拘遠近肺氣咳嗽上氣喘急喉中涎

管滿氣逆坐臥不安飲食不下

粟殼炙

人參

甘草各半兩

陳皮

茯苓

杏仁

阿膠炒

五味子

桑白皮

薏苡仁

紫蘇

百合

貝母吐

半夏麴

欵冬花略一

右咬咀每服五錢姜三片棗二枚烏梅一個水煎臨卧服

肺虛則少氣而喘經云秋脈者肺也秋脈不及則喘呼吸少氣而咳上氣見血下聞病音其治法則門冬五味人參之屬是也肺痺肺積則久喘而不已經云淫氣喘息痺聚在肺又云肺痺者煩滿喘而嘔是肺痺而喘治法或表之或吐之使氣宣通而愈也難經又云肺之積名息責在右脇下如杯又不已令人喘咳發肺癰治法則息責左能磨其積是也

胃喘則身熱而煩經云胃爲氣逆又云犯賊風虛邪者陽受之陽受之則入六府入六府則身熱不時卧上爲喘呼又云陽明厥則喘而嘔嘔則惡人或喘而死者或喘而生

喘

者何也厥逆連藏則死連經則生是也喉王註謂熱內  
而煩凡此胃喘治法宜加減白虎湯之類是也

腎喘則嘔咳經云少陰所謂嘔咳上氣喘者陰氣在下陽  
氣在上諸陽氣浮無所依從故嘔咳上氣喘也東垣治以  
瀉白散是也

運氣

運氣喘者有三

一曰金助肺盛而喘經云歲金太過病甚則喘咳氣逆肩  
背痛又云歲金太過曰堅成堅成之紀其病喘喝胸憑仰  
息治以溫劑是也

二曰火攻肺虛而喘經云歲火太過炎暑流行肺金受邪  
民病少氣咳喘上臨少陰少陽咳喘息鳴又云少陰司天  
熱淫所勝病寒熱喘咳甚則肺脹大腹滿膨膨而喘咳又  
云少陰在泉熱淫所勝病氣上衝胃喘不能久立治以醢

寒是也

三曰風火爲氣逆經云木太過曰發生發生之紀上微則其氣逆是也

針灸

黃帝曰衛氣之留於腹中搖積不行死蘊不得常所使

人肢脇胃中滿喘呼逆息者何以去之伯高曰其氣積于

胃中者上取之積於腹中者下取之上下皆滿者傍取之

黃帝曰取之奈何伯高對曰積于上瀉大迎天突喉中積

於下者瀉三里與氣衝上下皆滿者上下取之與季脇之

下一寸重者鷄足取之診視其脈大而弦急及絕不至者

及腹皮急甚者不可刺也衛氣失常論曰雞足取之者正

足三爪也口東垣云大不可刺者宜灸也一則沉寒痛冷

二則無脈知陽經也三則腹皮急而陽虛也按此三者餘

皆不得灸若病在兩寸者及腹皮急甚者當從陰引陽取

穴于腹募五臟病取五臟募六腑病取六腑募若病在兩

尺脈者當從陽引陰取穴于背膈五臟病取五臟膈六腑

病取六腑膈元氣病取六腑膈募筋骨有形病者取五膈

察其病不在天之陽不在地之陰在腹中者故取季陽下一寸元氣病取之右筋骨病取之左故在中者旁取之此其理也

者認取之

黃帝曰刺節言振埃夫子乃言刺外經去陽病余不知其所謂也愿卒聞之岐伯曰振埃者陽氣大逆上滿於胃中憤贖肩息大氣逆上喘喝坐伏病惡埃烟館不得息請言振埃尚疾於振埃黃帝曰善取之何如岐伯曰取之天容黃帝曰其咳上氣窮詰胃痛者取之柰何岐伯曰取之廉泉黃帝曰取之有數乎岐伯曰取天容者無過一里取廉泉者血變而止帝曰善哉

刺節真氣篇  
○的于結反

我熱篇○陽  
迎陽逆也

氣逆上刺

膺中陷者與下胃動脈

雜病篇

刺灸喘滿有六法

其一取陽氣上四節經文所言者是也

其二取肺經云肺手太陰之脈是動則病肺脹滿膨膨而喘咳缺盆中痛甚則交兩手而脅所生病者欬上氣喘渴煩心胃滿視盛虛熱寒陷下取之也又云邪在肺則皮膚痛寒熱上氣喘汗出欬動肩背取之膺中外膺背三節五椎之傍以手疾按之快乃刺之取之缺盆之中以越之又云肺病者喘咳逆氣肩背痛取其經太陰足太陽之外厥陰內血者王註謂內外之間是足少陰經也又云肺藏氣氣有餘則喘咳上氣瀉其經隧無傷其經無出其血無出其氣楊註謂經隧爲列缺穴也又云氣亂於肺則俛仰喘喝接手以呼吸之手太陰榮足少陰輸是也

其三取大腸經云腹中常鳴氣上衝胃喘不能久立邪在大腸刺盲之原巨虛上廉三里又云邪客手陽明之絡令人氣滿胃中喘息而支壯胃中熱刺手大指次指爪甲上

去端如菲葉各一痛左取右右取左如食頃已是也

其四取腎經云腎病者喘咳身重寢汗出憎風取其經少陰太陽血者是也

其五取脾經云氣滿胃中喘急取足太陰大指之端去爪甲如菲葉寒則留之熱則痰之氣下乃止

其六取脾經內經詳文具痺

**灸**嗽兩乳黑白際二穴脊後三穴營灸族姪喘灸後一月喘發大吐痰一桶許而安見灸針灸條下

**治**喘哮 天突針入胸下五分 臍中三分 璇璣三分

**氣**海 膻府一寸半瀉六吸 乳根一寸半瀉

**五**膈氣喘息不止 中皖分 期門凡刺腹部氣虛人

丹田用  
氣刺之



哮喘灸刺上穴不愈者可選用之 膏肓 關元 中

腕 三里 百勞 腎膈各灸 文溝 大陵

東陽 哮喘諸穴選用之 天容 譙譙 氣舍 扶突

太白 刺 魄戶 中府 大包 域中 雲門 石門

期門各灸

性穴 氣喘 乳中在乳下胸中針入一分沿皮向後一寸半瀉之

桑哮喘 輿隆三寸

然喘滿痰實口中如膠 太谿

喘少氣不足以息腹滿大便難時上走胃中鳴脹滿口

舌乾口中吸吸善驚咽中痛不可肉食善怒恐不樂大鍾

主之 欬腸下積聚而喘逆卧不安席時寒熱期門主之

流注 氣促喘 天牢

用喘逆執肩甲內廉痛不可俛仰眇季脇引小腹而痛

張意喜主之

惟穴婦人血弱氣喘氣中在氣海旁一寸半針

**喘**者肺主氣形寒飲冷則傷肺故其氣逆而上行衝急

喝喝而息數張口擗肩擗身滾肚是爲喘也

喘鳴肩息者脈實大也緩則生急則死全文見小兒喘○

急謂於急非來  
件之緩急也

**脈**上氣喘息低昂其脈滑手足溫者生脈濇四肢寒者死

**平**哮喘必用薄滋味

凡下痰定喘諸方施之形實有痰者神効若陰虛而脈

浮大按之濇者不可下下之必反劇而死也

喘不得卧

脈浮按  
之濇者  
忌下

凡喘而卧不得其脈浮按之虛而濇者爲陰虛去死不速  
慎勿下之下之必死宜四物加童便竹瀝青黛門冬五味

枳殼蘇葉服之

感冒風寒者宜

胡安人年六十八惡寒發熱自四月來得痰嗽眠不得

表散

食少心膈痛口中連嗽五更頗甚

白朮

三錢

枳殼

炒

黃連

各二錢

芍藥

二錢

片苓

七錢

桔梗

蘇梗葉

各一兩

木通

五分

甘草

炙

五味

此

右入竹瀝煎服

一丈夫因病喘不可臥肺脈沉而澹此外有風涼濕氣遏

內熱不得舒

黃芩

陳皮

木通

各一錢半

麻黃

蘇葉

桂枝

各

黃連

乾姜

甘草

此

開二枚躰虛感寒發熱氣喘難臥

蒼朮

麻黃

白朮

片苓炒各五分

桂枝分三

半夏

枳殼各一分

木通分三

甘草灸

右生薑二片同煎加研碎杏仁五個

此方半夏爲君必是吐痰多之人也

右解表三方前一方寒熱多者設後二方寒多者設

商確多痰皆此

咳逆上氣時時濁唾但坐不得眠者皂莢丸主之用皂莢

八兩刮去皮酥炙右一味爲末蜜丸如桐子大以束膏和

湯服三十九日三夜一

女人年六十自來無汗多痰今得喘病眠不得曾與青州

白丸子

半夏兩半

枳殼炒四分

桔梗

陳皮

木通

黃芩二分

麻黃一分

紫蘇

防風各一分

甘草一分

右分作五貼生姜三片水煎去渣入竹瀝兩蚶殼許熟

飲

脈沉而大者行水

**三**夫不得臥則喘者是水氣之客也夫水者循經液而

流也腎者水臟主津液主臥與喘也逆調論

**四**神秘湯治病人不得眠眠則喘者水氣逆行上乘于肺

肺得水而浮使氣不流通其脈沉大宜此治之

蘇葉

陳皮

生姜

桑白皮

人參

各五錢

茯苓

木香

各二錢

右哎咀水煎去渣大溫分二服

**仰**咳逆倚息不得卧小青龍湯主之

方見傷寒○又云支飲亦喘不得臥加越

氣其脈平也

青龍湯下已多唾口燥寸脈沉尺脈微手足厥

逆氣從小腹上衝胃咽手足痺其面翕然如醉狀因復下

流陰股小便難時復冒者與茯苓桂枝五味子甘草湯治

其氣衝

桂枝去皮

茯苓各四兩

甘草炙三兩

五味子半升

右四味以水八升煮取三升去渣分溫三服

衝氣即低而反更咳曾滿者用桂枝茯苓五味甘草湯去桂加乾姜細辛各三兩以治其咳滿，咳滿即止而更復渴衝氣復發者以細辛乾姜爲熱藥也服之當遂渴而渴反止者爲支飲也支飲者法當冒冒者必嘔嘔者復納半夏半升以去其水於桂苓甘草五味湯中去桂加乾姜細辛半夏是也

水去嘔止其人形腫者加杏仁半升主之其証應內麻黃以其人遂痺故不納之若逆而納之必厥所以然者以其人血虛麻黃發其陽故也用

茯苓兩

甘草

乾姜

細辛各三兩

五味子

半夏

杏仁各半升去皮尖

右煎去渣溫日三服

若而熱如醉此胃爲熱所衝薰其面加大黃三兩以利之

無真應散治遠年喘急不能眠百藥不効者

白石英

四兩通明者以生絹袋盛用雄猪肚一個以藥入內燒定片時取出藥出并換猪肚一個如前法煮三次煮了取藥出曬乾研

取藥出曬乾研

右爲末以官局款冬花散二錢入藥末二錢再加桑白

皮二十生薑三片束子一個水一盞半煎至七分通口

服猪肚亦可契只不得用醬醋塩椒姜等調和款冬花

款冬花一錢且切毋桑葉杏仁半夏阿膠甘草各二錢麻黃去節四錢爲粗末是也

劫痰

**本**治多年肺氣喘急哮喘久不得卧紫金丹

砒水飛

碗壹好者二錢用水時潤少時以尿泡乾研成膏

右用膏子和砒同杵極勻丸如麻子大每服十五丸小

兒量大小與之並用蠟茶清極冷吞下臨卧以知爲度

多年不  
已者降  
痰

有一親戚婦人患十年偏求醫者皆不效  
貨此藥漫贖一服是夜減半數服頓愈遂多金  
方予屢用以救人時爲神異

陽明逆者息有音

不得卧而息有音者是陽道之逆也足三陽者下行今

音

逆而上行故息有音也陽明者胃脈也胃者六腑之海其

氣亦下行陽明逆不得從其道故不得卧也下經曰胃不

和則卧不安此之謂也逆訓論。千金白濁湯治喉中水聲不得卧方現效喉中作聲

感寒喘

不得卧治法見產後喘

針灸

喘不得卧不得坐呼吸氣索咽不得留中熱雲門主

之咳逆煩滿不得卧留中滿喘不得息背痛太淵主之

右針灸喘不得卧天突穴甚效予治數人皆中

產後喘

產後喘極危多死也



血氣

郭氏治產後喉中氣急喘促者因所下過多榮血暴竭衛氣無主獨聚肺中故令喘也此名孤陽絕陰爲難治

陳無擇云

官大料芎藭瀉一方用發去湯尤妙

若惡露不快散血停凝上薰于肺亦

令喘急但服奪命丹血去喘自定

奪命丹方見  
龍衣不下

**世**血竭散治產後敗血衝心胃滿上喘命在須臾宜服

真血竭

如無紫  
曜代

沒藥

右等分研細頻篩再研取盡爲度每服二錢用童便合好酒半大盞煎一沸溫調下方產下一服上床良久再服其惡血自循經下行更不衝上免生百病

**聖**參蘇飲治產後血入於肺面黑發喘欲死者

人參

一兩  
爲末

蘇木

二兩

右以水兩碗煮取蘇木一碗以下去查調參末隨時加

減服神效

表証

若因憂怒性理鬱發而喘者用小調經散以桑白皮

仁煎湯調服

小調經散方見水腫

旋覆花湯治產後傷風寒咳嗽痰涎壅盛坐臥不安

旋覆花 赤芍藥 荆芥穗 半夏麩

五味子 麻黃 茯苓 杏仁

甘草 前胡

各等分

右咬咀每服四錢水盞半姜五片棗一枚煎七分去渣

食前溫服

浦江吳輝妻孕時足腫七月初旬產後二月洗浴即氣喘但坐不得臥者五個月惡風得煖稍寬兩關脈動尺寸皆虛百藥不效用牡丹皮栳仁桂枝茯苓乾姜枳實厚朴桑白皮紫蘇五味瓜蒌仁煎湯服之即寬二三服得臥其痰如失蓋作汚血感寒治之也

若傷醜冷飲食而喘者宜見見丸

姜黃

三稜

華澄茄

陳皮

良姜

人參

蓮木等分

右為細末用蘿藦浸煮爛研細將汁煮麩糊丸桐子大

蘿藦子湯下

短氣

短氣者氣短而急似喘非喘也

詳見診條

平人無寒熱為實

仲平人無寒熱短氣不足以息者實也

丹溪治白雲許先生脾胃勝寒短氣

實

川大吐大下者二十餘日凡吐瀉痰一大桶如爛魚腸或如細油條者皆死而安詳見腹痛

少氣小便數為

正元散治氣不接續氣短兼治滑泄及小便數王丞相

服之有劫蓬莪朮一兩金鈴子去核一分右件為末入鴈

砂一錢煉過研細和勻每服二錢薑湯或溫酒調下空心

服

胃滿少氣短氣者肺主諸氣五臟之氣皆不足而胃  
不行也 氣短小便利者四君子湯中土茯苓加黃芪以  
補之如腹中氣不轉者更加甘草一半 肺氣短促或不  
足者加人參白芍藥中焦用白芍藥則脾中陽升使肝膽  
之邪不敢犯之 如衣薄而短氣則添衣於無風處居止  
氣尚短則以沸湯一碗薰其口鼻即不短也法見調攝下同如  
厚衣於不通風處居止而氣短則宜減衣摩汗孔令合於  
漫風處居止 如久居高屋或天寒陰濕所逼令氣短者  
亦如前法薰之 如居周密小室或大熱而處寒涼氣短  
則就風日九氣短皆宜食滋味湯飲令胃氣調和

胸痺短氣

胃痺胃中氣寒短氣快令杏仁甘草湯主之橘枳姜湯

亦主之

方見前

胃痺喘息咳唾胃背痛短氣括萎薤白

半夏湯主之

方見前

大短氣有微飲當從小便去之苓

桂甘湯主之腎氣丸亦主之腎氣丸見欬花補肺湯治

咳嗽短氣方見咳嗽

苓桂木甘湯

形腫節痛目眩者為飲

茯苓兩

桂枝

白朮

各三兩

甘草

兩

右四味以水六升煮取三升分溫三服小便則利

仲景論短氣皆屬飲此方苓桂木甘湯是其一法也金匱云咳逆倚息短氣不得卧其形如腫謂之支飲又云支飲亦喘而不得臥加短氣其脈平也又云膈上有留飲其人氣短而渴四肢歷節痛脈沉者有留飲又云肺飲不弦但苦喘短氣其治法危急者小青龍湯脹滿者厚朴大黃湯冒眩者此方苓桂木甘湯及澤瀉湯不得息葶藶大棗湯吐下不愈者木防已湯之類是也

針灸

短氣息短不屬動作氣索補足少陰去血絡也癰狂

短氣身勞 天井 大椎 肺俞 肝膈 尺澤

甲短氣心痺悲怒逆氣狂易魚際主之

成短氣者短氣而不能相續者是已似喘而非喘若有氣上衝而實非氣上衝也喘者張口擗身滾肚謂之喘也氣上衝者腹裡氣時時上衝也所謂短氣者呼吸雖數而不能相續似喘而不擗身似呻吟而無痛者短氣也經所言短氣者果實為難辨之証愚師莫識之為治有誤者多矣要識其短氣之真者氣急而短促謂之氣短者是也

脈寸口脈沉胃中短氣

和陽脈微而紫紫則為寒微則為虛微緊相搏則為短氣

少氣

少氣者氣少不足以言也

三陽絕三陰微是為少氣方盛衰論 怯然少氣者是水道

不行形氣消索也

示從卷篇

言而微終日乃復言者此奪氣

也

全文見  
診法死

右少氣治法蓋生脈放獨參湯之屬是也

一陽發病少氣善咳善泄

全文見  
診博變

脈論

運氣少氣有二

一曰火熱經云火鬱之發民病少氣又云少陰之復少氣骨痿又云少陽之復少氣脈痿治以諸寒是也

二曰風濕經云太陽司天之政四之氣風濕交爭風化為雨民病大熱少氣是也

針灸

針灸少氣有三

一曰補肺經云肺藏氣氣不足則息微少氣補其經隧無出其氣又云肺虛則少氣不能報息耳聾盜乾取其經太陰足太陽之外厥陰內血者是也

診

二曰補腎經云少氣身潔潔也言吸吸也骨瘦無懈懈不  
能動補足少陰是也果遠

三曰補氣海經云膻中者為氣之海其輸上在于柱骨之  
上下前在于人迎氣海不足則氣少不足以言養守其輸  
調其虛實所謂柱骨之上者蓋天容穴也人迎者結喉兩  
旁之脈動處也乃取天容人迎二穴補之也

魚際絡青短者少氣也全文見按陽

脾脈搏堅而長其色黃當病少氣脈要精微論一呼脈一

動一吸脈一動曰少氣平人氣象論

尺堅大脈小甚少氣惋有加立死全文見診口謂尺內堅而脈反小而少氣惋加也

善悲 衄娠善悲

悲屬肺經云在臟為肺在志為悲又云精氣并於肺則悲



是也

肺虛補

**仲**婦人臟躁喜悲傷欲哭象如神靈所作數欠伸甘麥大

麥湯主之

甘草三

小麥一

大麥一

右三味水六升煮三升溫分三服亦補脾氣

**本**鄉里有一婦人數次無故悲泣不止或謂之有祟祈禳請禱備至終不應予忽憶金匱有一証云婦人臟躁悲傷欲哭象如神靈數欠伸者宜甘麥大麥湯予急令治藥盡劑而愈古人識病制方種種絕妙如此

逆氣

運氣悲皆屬寒水攻心經云火不及曰伏明伏明之紀其

病昏惑悲忘從水化也又云太陽司天寒淫所勝善悲時眩仆又云從喜悲數欠又云太陽司天寒淫所勝善悲時眩仆又云太陽之復甚則入心善忘善悲治以諸熱是也

針灸悲有二

其一取心經云邪在心則病心痛善悲時眩仆視有餘不足而調其輸也

其二取厥陰經云厥陰根于大敦結于玉英絡于臆中厥陰爲閭闔折即氣絕而喜悲悲者取之厥陰視有餘不足虛實寒熱陷下而取之也

妊娠善悲

**論**管先生治一妊娠四五箇月臆躁悲傷遇書則慘感淚下教欠象若神靈如有所憑醫與巫皆無益與仲景大寒湯一投而愈

鼻塞

鼻淵

鼻軌

鼻瘰肉

酒齶鼻 鼻得冷則黑

鼻氣通

鼻塞昏屬肺經云肺氣通於鼻肺和則鼻能知香臭矣又

云五氣入鼻藏于心肺。肺有病而鼻為之不利也。又云西方白色入通於肺。開竅於鼻。藏精於肺。又云肺主鼻。在臟為肺。在竅為鼻。是也。

**頤**金匱真言論云西方白色入通於肺。開竅於鼻。藏精於肺。夫十二經脈三百六十五絡。其氣血皆上走於面而走空竅。其精陽氣上走於目而為睛。其別氣走於耳而為聽。其宗氣出於鼻而為臭。難經云肺氣通於鼻。肺和則能知香臭矣。夫陽氣宗氣者皆胃中生發之氣也。其名雖異。其理則一。若因飢飽勞役損脾胃生發之氣。既弱其營運之氣不能上升。邪塞孔竅。故鼻不利而不聞香臭也。宜養胃氣實營氣。陽氣宗氣上升。鼻管則通矣。又一說難經云心主五臭。肺主諸氣。鼻者肺竅。反聞香臭者何也。蓋以竅言之。肺也以用言之。心也因衛氣失守。寒邪客於頭面。鼻亦

寒邪客肺

受之不能為用是不聞香臭矣故經曰心膈有病鼻不聞香臭矣  
不利紫古曰視聽明而清涼香臭辨而溫煖者是也治法  
宜先散寒邪後補衛氣使心肺之氣得交通則鼻利而聞  
香臭矣

麗澤通氣湯治鼻不聞香臭

羌活

獨活

防風

升麻

葛根

各二錢

麻黃

不去節  
錢冬加之

蒼朮

錢

川椒

錢一

白芷

黃芪

各四錢

甘草

錢二

右每服一兩水一盞生姜三片棗二枚葱白三寸同煎  
至一盞去香稍熱服食遠忌一切冷物及風寒涼處坐  
臥行住

溫肺湯治鼻不聞香臭眼多眵淚

升麻

黃芪

各二錢

葛根

羌活

甘草錢

防風錢

麻黃

四錢

不

丁香分

右粗末分二服每服水二大盞葱白二握同煎一盞去查稍熱食遠服

禦寒湯治寒氣風邪傷於皮毛令人鼻塞欬上喘

黃芪錢

人參

升麻

陳皮

各五分

甘草錢

款冬花

黃柏

各二分

佛耳草

黃連

羌活

白芷

防風

各二分

蒼朮分

右咬咀作一服水二大盞煎至一大盞去查稍熱服食

遠

溫衛湯治鼻不聞香鼻目中流火氣寒血熱泪多臍下冷陰汗足痿弱

黃芪

蒼朮

升麻

知母

羌活

柴胡

歸身各一錢

人參

甘草炙

白芷

防風

黃柏

澤瀉各五

陳皮錢三

青皮錢二

木香

黃連各三

右作一服水煎去渣溫服食遠日晴明服之

溫衛補血湯治耳鳴鼻不聞香臭不知穀味氣不快四肢困倦行步不正髮脫落食不下膝冷汗帶下喉中呿呿不得臥口舌液乾太息頭不可以回顛額項筋緊急痛旋暈服黑頭痛阿欠嚏噴

升麻分

柴胡

甘草生

甘草炙

地骨皮

桔梗各三

生地

白朮

吳茱萸

黃柏各一

蒼朮

陳皮

王瓜根

牡丹皮各二

歸身二分

菝葜三

葵花七

右吹咀作一服水煎去渣稍熟食前服

雜方

**外**治鼻塞不通小蘗一把水二升煮一升去渣分服本草

蘇精

發血

**世**噲化葶澄茄丸治鼻不通

葶澄茄五分

薄荷葉二錢

荆芥穗一錢

右爲細末煉蜜丸如櫻桃大每服一丸噲化

**本**治鼻不聞香臭多年者亦治用生葱分作三段早用葱

白午用葱管中截晚換葱管末稍一截塞入鼻中令透裡

方効

**通**草散治鼻齟氣息不通不聞香臭并鼻息肉

木通

細辛

附子各等分

右爲末蜜和綿裹少許納鼻中

經 葛蒲散治鼻內室塞不通不得喘息

葛蒲

皂角 各等分

右為末每用一錢綿裹塞鼻中仰卧少時

針灸

玉鼻閉塞不聞香臭

迎香

一分指皮向上

上星 三分

集又法

迎香 上星

合谷

三處 不

灸人中

風

府 百勞

甲左空刺右右空刺左兩脇下痛泄上下出曾滿短氣不

得汗補手太陽以出之 鼻不利前谷主之

鼻淵 淵出

膽移熱於腦則辛頰鼻淵者濁涕不止也傳為衄血

瞋目

全見診病傳變又脈解精微論云目赤者肝也故腦者精液

腦中諸病 膽移熱於腦則辛頰鼻淵濁涕不止如湧

泉不藏久而不已必成衄血之疾防風湯主之

腦熱



防風

去皮

黃芩

人參

甘草

炙

川芎

麥門冬

去心各一兩

右細末每服

一錢沸湯點服食後服日三

濕熱

**治鼻淵**

南星

半夏

蒼朮

白芷

神麴

酒苓

辛夷

荆芥

嘗治一中年男子右鼻管流濁涕有穢氣脈弦小右寸

滑左手寸澁先灸上星三里合谷次以酒苓二兩蒼朮

半夏各一兩辛夷細辛川芎白芷石膏人參葛根各半

兩分七貼服之全愈此乃濕熱痰積之疾也

**仲**肺中寒者吐濁涕

**無蒼耳散**治鼻流濁涕不止名曰鼻淵

辛夷仁

兩半

蒼耳子

炒二錢半

香白芷

兩一

薄荷葉

五分

右爲末每服二錢用葱茶清食後調服

嚴云辛夷散治鼻內壅塞涕出不已或氣息不通或不聞

香臭

辛夷仁

細辛

去上

藜木

去

升麻

川芎

白芷

木通

去

防風

甘草

右爲末每服二錢食後茶清調服

逆氣鼻淵皆傷熱經云少陰之復甚則入肺咳而鼻淵治

以苦寒是也

鼻流清涕濁涕

上星

灸二七壯  
清補瀉瀉

又法

上星

人中

風府

不愈再  
取後穴

百會

風池

風門 大椎

鼻流臭穢

上星

曲差

灸

合谷

不愈取  
後穴

人中

迎

香

鼻丸謂鼻出  
鼻清涕

肥

**肥**人鼻流清涕乃飲食痰積也

蒼朮

片苓

南星

川芎

白芷

辛夷

甘草

右或末或丸皆可白湯下

麥

**本**治鼻塞清涕出腦冷所致

通草

辛夷各半

細辛

甘遂

桂心

芎藭

附子名一

右細末蜜丸綿裹納鼻中密封勿令氣泄丸如麻子稍

加大微覺心痛效搗姜為丸即愈

**錐**辛夷散治鼻塞腦冷清涕不已

細辛

川椒

乾姜

川芎

吳茱萸

辛夷

附子各三分

皂角屑半斤

桂心兩一

猪油斤一

右煎猪脂成膏先一宿以苦酒浸前八味取入油煎附子黄色止以棉裹塞鼻孔中

地氣

運氣鼻軌有二

一曰火攻肺虛鼻軌經云少陰司天熱氣下臨肺氣上從軌衄鼻窒又云少陰司天熱淫所勝民病軌衄嚏嘔又云少陽司天火淫所勝甚則軌衄又云少陽之復煩躁軌嚏又云少陰司天客勝則軌嚏又云歲金不及炎火乃行民病軌嚏又云金不及曰從革從革之紀其病嚏咳軌衄治以諸寒是也

二曰金助肺實鼻軌經曰陽明所至爲軌嚏治以溫劑是也

針灸

針灸鼻竅獨取足太陽經云足太陽之別名曰飛陽去踝七十別走少陰實則竅室頭背痛取之所別是也

**目**鼻竅不利窒氣塞喘僻多涕竅衄有瘖迎香主之鼻

鼻瘖肉

肺壅

**無**羊肺散治肺虛壅鼻生瘖肉不聞香臭

羊肺具一

白朮

菴蓉

木通

乾姜

川芎

各一兩俱為末

右五味為細末以水盪打稀稠得所灌肺中煮熟焙乾細研為末食後米飲服二錢

**四**瘖肉因胃中有食積熱痰流注治本當消食積

蝴蝶鑿

細辛

白芷

右為末以綿裹藥納鼻中頻頻換又方蝴蝶鑿三分

丹一分細辛一錢如此法塞鼻三因方單用枯礬末面  
脂用綿裹少許納鼻中數日瘰肉與藥消落

右鼻中用此藥塞更以星半蒼朮酒蒸連神麩辛夷細  
辛白芷甘草消痰積之藥服之爲効也

**辛夷膏**治鼻生瘰肉室塞不通有時疼痛

辛夷葉二兩

細辛

木通

木香

白芷

杏仁

湯浸去皮尖  
研各半兩

右用羊髓猪脂二兩和藥于石器內慢火熬成膏取赤  
黃色放冷入龍腦麝香各一錢爲丸綿裹塞鼻中數日  
內脫落即愈此方有理

**輕黃散**治鼻中瘰肉

輕粉

杏仁

湯浸去皮尖及  
雙仁各一錢

雄黃半兩

麝香少許

右四味用淨乳鉢內先研杏仁如泥後入雄黃麝香同研極細勻磁合蓋定每有患者不拘遠近夜卧用筋點梗米大在鼻中瘻肉上隔一日夜卧點一次半月見効

**四**鼻中有瘻肉不聞香臭瓜蒂細辛等分為細末以綿包如豈許塞鼻中須臾即通有人患瘻肉垂出鼻外用此藥即化為黃水點滴至盡三四日愈聖惠方單用陳瓜蒂以羊脂和傅上日三次効

**六**消鼻痔方

苳蒂炒

甘遂各四錢

白礬枯

螺青炒

草烏尖

各五分炒

右為末用真麻油搜令硬此子不可爛旋丸如鼻孔大用藥入鼻內令達痔肉上其痔化為水肉皆爛下每日一次用妙不可言

又方取鼻痔

苦丁香

乃瓜蒂

赤小豆

丁香

各四兩

右慢火焙乾爲末入腦子少許口內先含水次將小竹管吹藥入鼻中如半盞茶時盡爲度候頭疼時取下

右瓜蒂側

取鼻痔

芭荳

十二粒

陽起石

一石蓮心

三十

右爲末每用半字許插入鼻內又用綿塊子蘸藥塞入鼻中其肉化爛自出

又方取鼻痔

蝟稍

一

巴荳

去油

丁香

五粒

白丁香

七粒

右爲細末用螺青一字和勻用內消膏藥溶開入上件藥末搜丸如龍眼核大臨睡用一丸塞鼻內



針灸

右巴荳例

世治久患鼻瘡膿極臭者用百草霜研細用冷水調服三錢

鼻中瘰肉 鼻衄 風池 風門 風府 人中 禾窠

鼻中瘰肉不利鼻額頰中痛鼻中有蝕瘡斷交主之

鼻衄涕出中有懸癰瘰肉內室不通不知香臭素窠主之

鼻窒口僻清涕出不可止鼻衄有癰禾窠主之

酒釀鼻

風熱

鉛紅散治風熱上攻陽明經絡面鼻赤刺癢疹俗呼

肺風以肺病在皮膚也

硫黃、白礬灰各五錢

右細末入黃丹少許染與病人面色同每上五分津液

塗之洗嗽罷及臨臥再上兼煎升麻湯下瀉青丸服之

寒

雜方

除其本也升麻湯方見小兒痘  
弱青丸方見后虛實

**本**治肺風鼻赤皴用老山查爲末溶黃蠟等分和丸彈子  
大空心茶酒醫下半月効忌酒炙煇

**簡**治赤鼻

枇杷葉一兩去毛陰  
乾新者佳 梔子半兩

右爲末每服二三錢溫酒調下早晨服先去左邊臨臥  
服去右邊効若神

**術**治酒皴風鼻上赤將橘核微炒爲末每用二錢匕研胡  
飛肉一個同以溫酒調服以知爲度通經云胡  
飛性熱

海云治酒皴鼻用山茱萸煖腰膝助水藏除一切風逐一  
切氣破癥

治酒皴鼻

片腦此 硫黃明淨者  
五分 枇杷葉一錢

右用猪臟去頭段一尺用第二段一尺割下臟上脂煎成油調和前藥末入生臟內兩頭縛定掛當風處七日用時將小針於臟上針孔捏出藥少許用手傳患處十日內全愈

**無**粉黃膏治肺熱赤瘰俗曰酒鼓

硫黃一分

蘿蔔切去蓋剝作穴子入硫黃在內以出細

研

輕粉

烏頭尖各少許

右研勻以面油調卧時傳早晚洗去以酥調尤佳治酒鼓鼻用乳香硫黃細辛輕粉等分爲末水調傳

檳榔散治鼻頭赤

檳榔

硫黃各等分

片腦少許

右爲細末用粗絹帛包裹時時於鼻上擦摩鼻間其臭効又加葶麻子肉爲末酥油調臨睡時少許擦鼻上使

終夜得聞

效

**治酒** 以桐油入黃連末天鈞藤燒灰傅之

針灸

**鼻管** 疽發爲病腦空主之

診

**無鼻** 頭微白亡血也赤者血熱也酒客多有之

鼻得冷則黑

血熱

**面鼻** 得冷則黑論

諸陽聚于頭則面爲陽中之陽鼻

居面中央而陽明起於頰中一身之血運到面鼻陽部皆爲至清至精之氣矣酒性善行而喜升太熱而有峻急之毒多酒之人酒氣薰蒸面鼻血得酒爲極熱熱血得冷爲陰氣所搏汚濁凝結滯而不行宜其先爲紫而後爲黑色也須用融化滯血使得流通滋生新血可以運化病乃可愈予嘗以酒制四物湯加酒炒片苓陳皮生甘草酒紅花生姜煎調下五靈脂末飲之氣弱形肥者加酒黃芪無有

不應入好酒數

滴為引使

肩背痛、肩痛

背脊痛屬肺分野病經云西風生於秋病在肺喻在肩背  
故秋氣者病在肩背又云秋肺太過為病在外則令人逆  
氣背痛愠愠然是也

**通脈經**云風寒汗出肩背痛中風小便數而欠者風熱乘  
其肺使肺氣鬱甚也當瀉風熱以通氣防風湯主之

柴胡

升麻

黃芪各一錢

防風

羌活

陳皮

人參

甘草各五分

薑本

青皮各三分

黃柏一分

白朮仁二分

右咬咀作一服水煎溫服食後氣盛者宜服面白脫色  
氣短者勿服

背脊痛屬肺肩背痛不可回顧此手太陽氣鬱而不行以風藥散之

**治**一男子忽患背脚縫有一線痛起上肩跨至曾前側脇而止其痛晝夜不歇不可忍診其脈弦而數重取豁大左大於右予意背脚小腸經也此必思慮傷心心藏未病而腑小腸先病故痛從背脚起及慮不能決又歸之膽故痛至胃脇而止乃小腸火乘膽木子來乘母是爲實邪詢之果因謀事不遂而病故用人參四分木通二分煎湯使吞龍膽丸數服而愈

背滿無

二陽一陰發病主驚駭背痛善噫

全文見診病傳支

陽明厥

運氣肩背痛皆屬火攻肺病經云歲火太過民病肩背熱

運氣

又云少陰司天熱淫所勝病有背膈缺盆中痛又云歲金不及其病內舍膈肩背外在皮毛治以寒劑是也

針灸

針灸肩背有二法

其一取肺經云肺病者喘咳逆氣肩背痛汗出取其經太

陰足太陽之外厥陰內血者又云肺手太陰之脈氣盛有餘則肩背痛風寒汗出氣虛則肩背痛寒少氣不足以息視盛虛熱寒陷下取之是也

其二取腎經云邪在腎則病肩背頸項痛時眩取之湧泉崑崙視有血者盡取之是也

**肩背痛連胛** 胛縫在背端骨下直腋縫尖及臂取二寸半瀉六吸 五樞二寸

八吸

**世肩背胛痛** 崑崙 懸鍾 肩井

**東肩背頸項腋前痛與胃相引者** 湧泉 一分見血妙 前腋

刺上 又法 氣舍 五分 天竅 灸 曲池 一寸 天井

五分

**甲肩背痺痛不舉血瘀肩中不能動** 搃巨骨主之 肩背不可自帶衣臂腕外側痛不舉陽谷主之 肩背欲折臑

如拔手不能自上下養老主之 項背痛引頸魄戶主之

肩痛胃滿悽厥脊背急強神堂主之 肩背髀痛臂不

舉寒熱悽索肩井主之

**通** 肩背痛 手三里主之

**寸** 寸口脈中手促上擊者曰肩背痛 平人氣象論

、肩痛

針灸

針灸肩痛有三法

其一取手陽明經云大腸手陽明之脈所生病者肩前臑痛視盛虛熱寒陷下取之也

其二取手太陽經云小腸手太陽之脈是動則病肩似拔臑似折視盛虛熱寒陷下取之也

其三取筋經云手太陽之筋病繞肩胛引頸而痛應耳中鳴痛手陽明足太陽之筋皆病肩不舉皆治在燔針劫刺



以知爲數以痛爲膺也

肩不可動臂不可舉

肩顛二寸半

巨骨五分

清冷淵

本關衝五分

肩端腫

肩顛二寸半

腕骨七分先

兩胛痛

肩

井二十半下

支溝

肩有腫不能顛氣舍主之

肩中熱指臂痛肩髃主之

肩肘中痛難屈伸手不可舉腕重急曲池主之

肩肘節

酸重臂痛不可屈伸肘竅主之

肩痛不能自舉汗不出

頭痛陽池主之

肩重肘臂痛不可舉天宗主之

肩胛

肩痺曲垣主之

肩胛中痛而寒至肘肩外膺主之

肩

髃閉急悽厥惡寒魄戶主之

肩痛不可舉天竅乘風主

之肩重不舉臂痛肩竅主之

肩不可舉不能帶衣清

冷淵主之

肩痛不可舉引缺盆雲門主之

皮膚 皮膚痛 皮膚索澤

皮者絡之部

黃帝問曰余聞皮有分部脈有經紀筋有結絡骨有度量其所生病各異別其分部左右上下陰陽所在病之始終愿聞其道岐伯對曰欲知皮部以經脈爲紀者諸經皆然陽明之陽名曰害蜚上下同法視其部中有浮絡者皆陽明之絡也其色多青則痛多黑則痺黃赤則熱多白則寒五色皆見則寒熱也絡盛則入客於經陽主外陰主內少陽之陽名曰樞持上下同法視其部中有浮絡者皆少陽之絡也絡盛則入客于經故在陽者主內在陰者主出以滲于內諸經皆然太陽之陽名曰關樞上下同法視其部中有浮絡者皆太陽之絡也絡盛則入客於經少陰之陰名曰樞牖上下同法視其部中有浮絡者皆少陰之絡也絡盛則入客於經其入經也從陽部注於經其出者從

陰內注於骨心主之陰名曰害肩上下同法視其部中有浮絡者皆心主之絡也絡盛則入客於經太陰之陰名曰關蠶上下同法視其部中有浮絡者皆太陰之絡也絡盛則入客於經凡十二經絡脈者皮之部也是故百病之始生也必先於皮毛邪中之則腠理開開則入客於絡脈留而不去傳入於經留而不去傳入於腑廩於腸胃邪之始入於皮也漸然起毫毛開腠理其入於絡也則絡脈盛色變其入客於經也則感虛乃陷下其留於筋骨之間寒多則筋攣骨痛熱多則筋弛骨消肉燥腠破毛直而敗帝曰天子之言皮之十二部其生病皆何如岐伯曰皮者脈之部也邪客於皮則腠理開開則邪入客於絡脈絡脈滿則注於經脈經脈滿則入舍於腑臟也故皮者有分部不與而生大病也帝曰善皮部論

左屬肺

皮膚屬肺經云肺之合皮也其榮毛也又云肺主皮毛在臟為肺在體為皮毛是也

診

毛折爪枯為手太陰絕經云手太陰者行氣溫於皮毛者也氣不榮則皮毛焦皮毛焦則津液去皮絕者津液既去則爪枯毛折毛折者毛先死

皮膚痛

皮膚痛屬心

皮膚痛屬心實經云夏脈者心也夏脈太過則病身熱皮膚痛為浸淫

運氣

運氣皮膚痛皆屬火邪傷肺經云少陰在泉熱淫所勝病寒熱皮膚痛又云少陰司天火淫所勝熱上皮膚痛又云少陰之復咳皮膚痛治以諸寒是也

針灸

針灸皮膚痛取肺經云邪在肺則病皮膚痛寒熱上氣喘汗出咳動肩背取之膺中外膺背三節五椎之傍以手疾

按之快然乃刺之取之缺盆中以越之是也

**甲**身腫皮膚痛不可近衣淫灑苛癢久則不仁屏翳主之

皮膚索澤

皮膚索澤即仲景所謂皮膚甲錯蓋皮膚澁而不滑澤者

是也

虛勞汚血

**甲**五勞虛極羸瘦腹滿不能飲食食傷憂傷飲傷房室傷

飢傷勞傷經絡榮衛傷內有乾血肌膚甲錯兩目黯黑緩

中補虛大黃真虫丸主之

方見勞條

小腸肺

三陽為病發寒熱其傳為索澤

全文見診病傳變索盡也王氏云精血枯涸故皮膚

潤澤之氣皆盡也

**甲**咳有微熱煩滿胃中甲錯是為肺癰葶藶湯主之

方見肺癰

胃中甲錯為肺

運氣皮膚索澤屬燥傷胆氣經云陽明在泉燥淫所勝病

運氣

針灸  
無膏澤治以苦寒是也

針灸皮膚索澤取足少陽經云足少陽之脈是動則病軀  
無膏澤視盛虛熱寒陷下取之也

尺膚粗如枯魚之鱗者水泆飲也全文見診法

瘡  
舌瘡 喉瘡 胎前產後瘡

邪入陰  
瘡者邪入陰部也經云邪搏陰則爲瘡又云邪入於陰搏  
則爲瘡然有二症一曰舌瘡乃中風舌不轉運之類是也  
一曰喉瘡乃勞嗽失音之類是也蓋舌瘡但舌本不能轉  
運言語而喉咽音聲則如故也喉瘡但喉中聲嘶而舌本  
則能轉運言語也

舌瘡

拔煙茶  
虎閉塞

一男子年三十五歲因連日勞倦發散發爲瘡疾醫與

古本之  
派道而

瘡藥二發後變爲發熱舌短言語不辨喉間痰吼有聲診

其脈洪數似滑遠以獨參湯加竹瀝兩蚶殼許兩服後吐  
管痰三塊舌本正而言可辨餘証未退遂煎人參黃芪湯  
服半月而諸証皆退粥食調補兩月方能起立

人舌短言語不辨乃痰涎閉塞舌本之脈而然嘗治一中  
年男子傷寒身熱師與傷寒藥五貼日後變神昏而瘖遂  
作躄虛有痰治之人參五錢黃芪白朮當歸陳皮各一錢  
煎湯入竹瀝姜汁飲之十二日其舌始能語得一字又服  
之半月舌漸能轉運言語熟除而痊蓋足少陰脈挾舌本  
脾足太陰之脈連舌本手少陰別繫舌本故此三脈虛則  
痰涎乘虛閉塞其脈道而舌不能轉運言語也若此三脈  
亡血則舌無血營養而瘖經云刺足少陰脈重虛出血爲  
舌難以言又云刺舌下中脈太過血出不止爲瘖治當以  
前方加補血藥也又嘗治一男子五十餘歲嗜酒吐血桶

中風熱則舌燥

昏後不食舌不能語但渴飲水脈略數與歸其地各一兩木參各二兩陳皮一兩半甘草二錢入竹瀝重便姜汁

了上言

至二十餘貼能言若此三脈風熱中之則其脈弛縱故舌

中風寒則舌卷

亦弛縱不能轉運而瘖風寒客之則其脈縮急故舌強舌

不言

卷而瘖治在中風半身不收求之也

針灸

針灸瘖有二治

其一取脾經云脾足太陰之脈是動則病舌本強視盛虛熱寒陷下取之也

其二取心經云手太陰之別名曰通里去腕一寸五分別而上行入於心中繫舌本虛則不能言取之掌後一寸是也

診

心脈濡甚爲瘖全文見虛實未

心脈搏堅而長當病舌卷不能言

脈要精微論



喉痞

味泄滯  
藥

**口**俞繼道遺精誤服參芪及升浮劑遂氣塞於上焦面痞

聲不出用童便浸香附為末調服而疎通上焦以治痞又

用蛤粉青黛為君黃柏知母香附佐之為丸而填補下焦

以治遺十餘日良愈本草言童便主久嗽失音故治痞  
多用童便由童便能降火故也

出聲音方訶子炮去核木通各一兩甘草半兩用水三升

煎至升半入生姜地黃汁一合再煎數沸放溫分六服食

後日作半料訶子治逆氣破結氣木通  
通利九竅治肺癰甚當

**訶**訶子湯治失音不能言語

訶子

四個半  
生半炮桔梗一兩半  
甘草二十半  
炙半生

右為細末每服二錢童便一盞水一盞煎五七沸溫服

甚者不過三服愈桔梗通利肺氣訶子泄  
肺導氣童便降火甚速

一方桔梗三兩大訶子四個甘草二兩炮製皆同每服一

錢七入沙糖一小塊不入童便獨用水五盞煎至三六  
時細呷一日服盡其効甚速

別結痰

**發聲散**治咽喉語聲不出

括萎皮

對

白姜蚕頭

去

甘草

各等分俱各炒黃

右細末每三錢溫酒調下或生姜自然汁調下用五分  
綿裹噙化咽津亦得不拘時候日兩三服

**服**治卒失音咽不出陳皮五兩水三升煮取一升去查類

**服**玉粉丸治冬月寒痰結咽喉不利語聲不出

半夏

洗五

草烏

一字

桂

一字

右爲細末生姜汁浸餅爲丸如鷄豆大每服一九至夜  
含化多年不愈亦有效黃帝針經中說寒氣客於會厭  
卒然而啞此藥主之

胃中積  
血作痛  
失音者宜白

蛤蚧丸治肺間邪氣胃中積血作痛失音并治久欬失

蛤蚧

一對去喘足溫水浸去  
膜刮了血脈用好醋炙

訶子

煨去

阿膠

炒

生地

麥門冬

去心

北細辛

去苗

甘草

炙各  
半兩

右爲末煉蜜丸如枣大每服一丸含化食後

治暴嗽失音語不出方

杏仁

研如  
泥

姜汁

沙糖

白蜜

各一  
兩

五味

紫苑

通草

貝母

各四  
兩

桑白皮

五  
兩

右咬咀以水九升煮五味紫苑通草貝母桑白皮取三升去查納杏仁厚姜汁蜜糖和攪微火煎取四升初服

三合日再夜一後稍加

潤燥

通聲膏方

五味

款冬花

通草各三

人參

細辛

桂心

青竹皮

菖蒲各二

杏仁

白蜜斤

棗膏

姜汁升一

酥升五

右咬咀以水五升微火煎三上三下去查納姜汁棗膏

酥蜜煎令調和酒服如棗大二丸

**丹**

欬嗽聲嘶者此血虛受熱也用青黛蛤粉蜜調服之

**世**

失音槐花瓦上炒令香熟於地上出火毒三更後床上

仰臥隨意服亦治咯血

**千**

風寒之氣客於中滯而不發故瘖不能言

**益**

人患卒啞杏仁三分去皮尖熬另研桂一分如泥和取

杏核大綿裹含細咽之日五夜三

寒

熱

**丹**治失音以桂末着舌下嚥津妙

千金斗門食忌聖惠方同

治風冷

失音以紫梗荆芥根一兩研汁入酒相和溫飲半盞服無

時聖惠方

**聖**治風冷失音咽喉不利以葇荷根二兩絞汁酒一大盞相和令勻不計時候溫服半鍾

陰虛入心

**錄**內侍曹都使新造一宅落成遷入經半月飲酒大醉臥

失音

起失音不能語召孫至胛曰因新宅故得此疾耳半月當

愈但服補心氣薯蕷丸治濕用細辛川芎又十日其病漸

減二十日全愈曹既安見上問誰醫曰孫兆郎中上乃召

問曰曹何疾也對曰凡新宅墜土皆濕地亦陰多人乍來

陰氣未散曹心氣素虛飲酒至醉毛髮皆開陰濕之氣從

而入乘心經心經既虛而濕氣又乘之所以不能語臣先

用薯蕷丸使心氣壯然後以川芎細辛又去濕氣所以能

語也

運氣瘡有二

一曰熱厥心實經云少陰之復暴瘡治以苦寒是也

二曰寒攻心虛經云歲火不及寒乃太行民病暴瘡治以

鹹溫是也

狐惑聲啞其証默默欲眠目不能閉起居不安是也

治法見傷寒

針灸

黃帝問於少師曰人之卒然憂悲而言無音者何道之

塞何氣出行使音不彰願聞其方少師答曰咽喉者水穀之道也喉嚨者氣之所以上下皆也會厭者聲音之戶也口唇者音聲之扇也舌者音聲之機也懸雍垂者音聲之關也頰頰者分氣之所泄也橫骨者神氣所使主發舌者也故人之鼻洞涕出不收者頰頰不開分氣失也是故厭

小而疾薄則發氣疾其開闔利其出氣易其厭大而厚則開闔難其氣出遲故重言也人卒然無音者寒氣客于厭則厭不能發發不能下至其開闔不致故無音黃帝曰刺之奈何岐伯曰足之少陰上繫於舌絡於橫骨終於會厭兩瀉其血脈濁氣乃辟會厭之脈上絡任脈取之天突其厭乃發也

憂患無言發也

厥氣走喉而不能言手足清大便秘不利取足少陰

雜病篇厥氣

皆逆氣也足少陰脈循喉嚨又挾舌本故取之

針灸瘡有三法

其一取足少陰上二段經文是也

其二取足陽明經云足陽明之別名曰豐隆去踝八寸別走太陰下絡喉嗑其病氣逆則喉痺卒瘕取之所別是也  
予治一男子四十九歲久病痰嗽忽一日感風寒食酒肉

足厥氣走喉病暴瘡與灸足陽明豐隆二穴各三壯足少陰照海穴各一壯其聲立出信哉聖經之言也仍用黃芩降火爲君杏仁陳皮桔梗瀉厥氣爲臣訶子泄逆甘草和元氣爲佐服之良愈

其三取手陽明經云暴瘡氣哽取扶突與舌本出血舌本廉泉穴也

甲瘡不能言合谷及湧泉陽交主之

卒暴失音 神門 湧泉

甲食飲善嘔不能言通谷主之 暴瘡氣哽喉痺咽痛不

得息飲食不下天鼎主之 瘡不能言期門主之 暴瘡

不能言支溝主之

胎前產後瘡

黃帝曰人有重身九月而瘡此爲何也岐伯對曰胞之

心腎



絡脈絕也帝曰何以言之岐伯曰胞絡者繫于腎少陰之脈貫腎繫舌本故不能言帝曰治之奈何岐伯曰無治也當十月復王注三少陰腎經也

郭氏論產後不語者何答曰人心有七孔三毛產後虛弱多致停積敗血閉於心竅神志不能明了心氣通於舌心氣閉塞則舌亦強矣故令不語但服七珍散

人參

石菖蒲

生地

川芎各一兩

細辛

防風

辰砂別研各半兩

右為細末每服一錢薄荷湯調下不拘時

方  
胡氏孤鳳丹散治產後閉目不語用白礬細研每服一錢熱水調下

脫肛

穀道痛蝕

五中有  
脫肛氣虛者補氣參芪川芎升麻血虛者四物升麻

氣熱者條芩六兩升麻一兩爲末神麩爲丸服之 血熱者涼血四物加黃柏

**白** 治脫肛以槐花槐角各等分炒黃爲末用羊血煎藥炙熟食之酒下

**世** 治脫肛

槐花

荆芥穗

白連

等分○白連  
忌是白飲

右爲細末空心酒下便入

**經** 蠟皮散治肛門或因洞泄或因用力脫出不收

蠟皮

一箇於  
存性

磁石

半兩  
碎

桂心

半

右爲末飲服方寸匕忌舉重及房室肘後治女人陰脫

加蠟頭一枚燒灰研入

**經** 大腸頭出痛苦乾又落落又出名截腸病腸盡則死初出寸餘時治之以芝麻油一盞以醫坐之飲大麻子汁數

升愈

雜方

**無**五倍子爲末每三錢水二碗煎減半入白礬一塊安小桶內洗之立効

**世**治男女脫肛用五倍荊芥小便濃煎洗之

**公**治腸風及脫肛不收有血下用皂角三莖槌碎水一碗揉令皂角油盡用絹二重濾取清汁數分將脫肛腸浸在藥水中其腸自收不用手托如大腸收了更用湯盪其脫肛上下令皂角氣行則不再作三次盪愈

**集**治脫肛歷年不愈以生鉄三斤水一斗煮取五升出鉄以汁洗日再一方用磨刀槩秀水洗亦効

**肘**若腸隨脫肛出轉久不可收入搗生括萎汁浸之猪肉汁中洗手隨按之令暖自得入

**世**又方亦治脫肛

荆芥

龍腦

薄荷

朴硝

右煎湯朝朝洗之腸頭自入

無

香荆散治脫肛

香附末

荆芥穗分

右爲末每用三匙水一大碗煎熱淋洗

針粉散治脫肛歷年不愈針粉研細每用少許搽之按入

即愈

本治腸風并脫肛及有血用蛇床子不拘多少炒爲末貼

大腸脫垂處止收甚妙

無用木賊不以多少燒存性爲細末搽肛門上按之

藥關之治瀉多時脫肛疼痛黑聖散用大蜘蛛一個微葉

重棗線繫定合子內燒令黑色存性取出細研入黃丹少

許同研凡有上件疾即先用白礬葱椒湯洗拭乾後將藥

末搽在軟處將手掌按托入收之妙

**聖**治大腸久積虛冷大便脫肛收不得蝸牛一兩燒灰豬  
脂和傅之

**千**治脫肛歷年不愈驚頭一枚燒令烟絕并末日傅肛上  
手按接之

**丹**治脫肛用胡荽燒薰立入

**隨**治諸般痔脫肛以死蛇一條如指大濕者用掘地坑燒  
之將有孔板蓋坑上坐薰之烟絕爲愈大効

**世**腸頭出用皂角薰次用蜒蚰一個入窠浸去蜒蚰將窠  
調土硃傅上即入一女子脫肛醫用糯米一勺濃煎飲  
去米候洗肛溫柔却先以磚一片火燒通紅用醋沃濕以  
青布鋪磚上坐肛於青布上如熱則加布令厚其肛自吸  
入腹中而愈

**紫**叢膏治臟熱肛門脫出以紫茸莖一大握又名魚腥草

搗爛如泥先用朴硝水洗淨肛門用芭蕉葉托入却用藥  
於臀下貼坐自然收入

針灸

**集**治脫肛 大腸腧 百會 長強

**扁鵲**脫肛 百會 肩井

**摘**又法 百會針二分灸七

**世**脫肛 合谷

**甲**脫肛刺氣衝主之

殺道痛蝕

經方

**肘**治殺道赤痛熬杏仁杵作膏傅之良愈

**外**治下部虫齧杵桃葉一斛蒸之令極熱內小口器中以

下部榻上坐虫立死

**脈**蝕陰脫其脈虛小者生敗急死

痔

**仲**小腸有熱者必痔

東垣治  
濕熱厥

**因**秦芫蒼木湯治痔疾若破謂之痔漏大便秘澁必作大

藥四氣

痛此由風熱乘食飽不通氣逼大腸而作也受病者燥氣

也爲病者胃濕也胃刑大腸則化燥火以乘燥熱之實勝  
風附熱而來是濕熱風燥四氣相合故大腸頭成塊者濕  
也作大痛者風也若大便秘結者主病兼受火邪也熱結  
不通去燥屎者其西方肺主諸氣其賦收下亦助疾病爲  
邪須當破氣藥兼之治法全矣服之其疾立愈不可作丸  
以判湯與之効如神速

秦芫一錢

去芦

澤瀉三

分

蒼朮七分

製

防風根五分

分

苑仁五分

去皮一錢

歸根三分  
酒洗第  
二服藥用身

黃栢去皮酒洗五分

分

大黃少許

燒赤不可多用

梔子一錢  
細末

枳榔一錢

細末

皂角仁一錢

燒存性

去皮一錢  
細末調下服之

右除板榔莢仁皂角仁三味候煎成藥餅勻調入外餘  
改咀作一服水三盞煎至一盞二分去渣入前三味再  
上火煎至一盞空心熱服待少時以美饅壓之不犯胃  
氣也服藥日忌生冷硬物及酒麪大料物乾姜之類犯  
之則藥無効如有白膿加五朶白葵花須除毒去心細  
剪入青皮五分不去白入上藥同煎又用木香三分爲  
細末同板榔等三味再上火同煎依法服餌古人以  
此疾多以歲月除之此藥一服立愈若病久者再服必  
愈

秦茺白朮丸

秦茺

去

歸梢

酒

茺仁

酒浸去皮尖  
另研各一兩

地榆

三

枳實

煨

白朮

澤瀉

皂角仁

蛇存性去  
皮各半兩



右爲細末和菴仁泥研勻煎熟粥湯麪糊丸雞豈大焙  
乾白湯下空心宿食消盡服之少時以美膳壓忌生冷  
硬物冷水冷菜之類并濕麪酒及五辣辛熱大料物之  
類犯之則藥無驗十服必愈

**蒼米澤瀉丸**

蒼米

四兩  
去皮

澤瀉

枳實

秦艽

各二兩

地榆

皂角子

燒存性  
各一兩

酒下  
右爲細末燒餅爲丸如桐子大每服三十九丸飲湯或

白朮丸

藥味與蒼米澤瀉丸同只  
改蒼米爲白朮去秦艽

**四時滯瀉一涼血爲主**

人參

黃連

生地

當歸

川芎

槐角

條芩

枳殼

涼血

涼生

涼大

和

和

和

和

升麻起

右煎湯服之外以遊藥蘆甘石童便煨牡蠣粉龍骨海蛤蜜陀僧之類敷之

許孺人產後痔作瘡有頭如蒜頭大或下鮮血或紫血大便疼與黑神散又多食肉大飽此濕熱在大腸所爲

郁李仁土麻仁

槐角各七錢枳實

皂角仁五錢蒼朮

歸尾各三錢生地各三錢

大黃炒一錢

右分六貼內三樣仁另研煎服

患五種痔水研山荳根服味甘寒退血熱

又方治痔用雞冠花不拘多少濃煎湯每服一盞空心

服本草云雞冠花性涼治瀉血

番花痔  
大腸熱

痔頭向上是大腸熱甚收縮爲主用四物解毒加枳殼

白木槐角秦芫

治番花痔 荆芥 防風 朴硝

石煎湯洗之次用木鱉子鬱金研末龍腦些少水調塗

世治番花痔用信一錢蜈蚣數個以香油久浸之臥臨時先洗痔拭乾却取浸油傅患處用手按入立愈累効其餘痔皆妙

痔藥膏子治外痔番花脫出黃水不止腫痛並用銀澗篋醃藥塗傅日一次重者五七次立愈先用藥水洗拭乾却傅此膏用真桑灰不拘多少淋濃汁兩碗熬至一碗却入草烏片大黃片各二錢再慢火熬至半碗入甘草一錢數沸下淨細石灰半匙頭不可多略沸三五次用絹一重花紙二重如絞漆狀濾過再熬成膏候冷用真膽礬五分研

寒

極細末放入膏中用瓦器盛貯封之臨用入龍腦末和勻  
傅之

治風痔漏不問有頭無頭定三日安

藜蘆

煨

天麻

各五錢

皂角針

不用皮條  
炒二錢

乾姜

研

蓮子草

明礬

硫黃

各一兩

大苦瓜菱

一

麝香

五分

右將瓜菱開一孔入礬并硫黃在內孔如小錢大就將  
元掩合定綿紙糊却用瓦罐子盛坐甌上炭火煨令烟  
盡為度候冷取出研細同前六味藥末和令勻煉蜜丸  
桐子大每服十九至十五丸空心溫酒下日三服三日  
見効忌油麪醃藏牛馬肉魚腥生冷行房行遠勞力一  
切等事

治腸痔瘻甲丸

蠶甲

蝟皮炙焦

川山甲炙

白礬枯

附子

猪牙皂角

各半所炙焦  
存性二分

右細末研勻蒸餅丸如桐子大每服二十九食前日

三服

又方

槐花炒

白礬枯各一兩

附子錢五

右細末研勻蒸餅丸如桐子大每服二十九米飲下食

前日三服已上二方龍老傳

治腸風痔漏

赤芍藥

官桂去

甘草炙各等分

右咬咀每服二錢姜二片白糖一塊水一盞同煎七分

去杏空心服

**要**

因而飽食筋脈橫解腸癖為痔生氣通

天論

**效**

黑地黃丸治血虛又痔神妙治痔之聖藥也

方見勞瘵

世治痔方神妙

當歸

川芎

黃連

全蠍

三稜

蓬朮

羌活

獨活

山茱萸

去核各半兩

枳殼

十二兩去穢

商陸

白者兩

巴豆

去壳不

木香

甘草節

鼠粘子

炒

苦參

藻本

柴胡

各一兩

刺蝟皮

炒

猪牙皂角

去皮各一兩

一方加白朮半夏荆芥薄

苛楨榔各一兩

右將巴豆二粒或三粒入枳殼內線扎定却用醋煮爛

訖冷水洗淨去巴豆不用晒焙乾入前藥同為細末煮

醋麩糊為丸桐子大每服三四十九空心醋湯下更用

五倍子羌活獨活煎湯洗如大便燥結用煮過巴豆六

七粒加入前藥同丸

右一方踈風泄熱破積滯其効如神

**焦**治五痔不以年月日久新枳實爲末煉蜜丸桐子大空心飲下二十九

**丹**二三十年不愈者三服止用蓮花蕊散

蓮花蕊

黑牽牛頭末

各一兩半

當歸

半兩

攀紅

少許

右爲末先忌食肉五七日空心令食肉一頓就取溫酒下三錢約兩時辰取下膿血或虫是効

海藏外臺治五十歲痔不瘥塗熊膽取瘥神効諸方不及

此

**七聖散**治大腸疼痛不可忍王叔和云積氣生於脾藏傍大腸疼痛陣難當漸交稍瀉三焦是莫漫多方立紀

綱

羌活兩一

檳榔

木香

川芎

桂枝

去皮各半兩

大黃

八分

郁李仁

去皮另研一兩半

右除郁李仁另研外爲細末煉蜜九桐子大驗虛實臨時斟酌九數白湯下取大便微利一服而愈切禁不得多利大便若大行其病滋甚

秦艽防風湯治痔漏大便時時發疼痛非痔漏也此藥主之

秦艽

防風

白朮

各一錢半

歸身

一錢

黃栢

五分

陳皮

紅花

少

甘草

炙

升麻

各六分

柴胡

二分

薤仁

三十個

大黃

三分

澤瀉

右剉如麻苳大總作一服水三盞煎一盞去渣稍熱服空心宿食消盡服之避風寒忌房事酒濕麪大辛熱物



當風寒處大便

**本**治痔有鼠結核作渴疼痛方

皂角酥

黃芪

荆芥

槐子

川山甲

木香

蝟皮

桔梗

蟄甲醋

露蜂房炒

芍藥各一

大黃錢五

右爲末煉蜜九桐子大每服三十九溫酒下食前日三服未知加至四五十丸

治痔下腫痛

枳殼一兩陳粟米同炒

青木香分

右爲末每服二錢飯飲調下

**集**治痔疾下血疼痛不止以玩月沙不限多少慢火熬令

黃色爲末每二錢入乳香五分空心溫酒調下日三四服

麋即兔子糞是也

**外**治痔發皮痛裡肉作羹食之良作脯食不過三頓瘥

世治痔瘡痛不可忍者木綿花煎湯旋入朴硝乘熱薰之  
候溫浸之單用硝水極妙  
僧用大有効

本治痔痛

大蜈蚣

一條

大青州枣

三

白礬

一塊

如

右將蜈蚣白礬二味爲末用枣肉丸分作二九燒烟用  
竹筒透引烟薰妙

世治痔瘡活湯治痔漏成塊下番乾瘡不任其痒

升麻根

柴胡

甘草

炙

麻黃根

各五

黃芪

秦艽

各一

防風根

七分

藥本

三分

細辛

羌活根

一分

三分

右剉如麻苳大作一服水二大盞煎一盞去查空心宿  
食消盡服之忌如前

世治痔有虫咬穀道痒或下膿血多取槐白皮濃煎汁安

盆中坐薰之塞其穀道湯冷更煖之良久欲大便當虫出  
不過三度即愈如用末綿裹納下部

开治痔穀道中虫痒不止水銀末膏各二兩研勻捏如枣  
形薄綿裹納之明日虫出若痛者加粉草三大分作丸  
方

羅淋滌藥治下部痔腫大腸頭痒痛

葳靈仙

枳殼雙炒各一兩

右為粗末熬水薰洗冷即再煖臨臥避風洗三次挹乾  
貼蒲黃散

世治痔痒用五茄莖葉濃煎湯以瓶盛之坐瓶口上薰痔  
至湯温洗之三次必効

虫如  
指下

开腸風痔漏有虫如絲細黑頭取去除根

瞿麥

半升

猪牙皂角

一升

大腸硬者寬腸

右為末入猪腰子一雙內用米泔煮空心食之少頃肚痛上攻虫皆隨出作地坑埋之薄粥補之

瑱當歸郁李仁湯治痔漏大便硬努出大腸頭下垂多血苦疼不能忍

皂角仁

另為細末調服

郁李仁

秦艽

各一錢

麻子仁

一錢半

當歸稍

生地

蒼朮

各五分

澤瀉

分三

枳實

大黃

三錢

右除皂角仁研細末餘藥剉如麻豈大水三大盞煎一盞去渣入皂角末調在內空心食前候宿食消盡服之

忌風寒處大小便

丹如欲涼大腸寬大腸則用枳殼去穰入巴豈鉄線纏煮透去巴豈入藥用若丸藥則搗爛用煎藥則乾用

下血甚者止血

食治野鷄痔下血腸風明目方嫩槐葉一升蒸如茶法取

葉礮作末亦如茶法煎呷之

子治腸痔每大便下血槐樹上木耳取末之飲服方寸瘥日三服良

肝治腸痔每大便常血水服蒲黃方寸七瘥日三服良

衾主五痔下血不止杏仁去皮尖及雙仁水一升研濾取汁煎減半投米煮粥停冷空心食之

草治腸痔多年不瘥下血不止木賊枳殼各二兩乾姜一兩大黃一分四味並剉一處入銚子內炒黑色存三分性搗羅溫粟米飲調食前服二錢七甚妙

外治患腸痔大便常有血食鯽魚羹及隨意任作飽食孫真人同

本治腸痔在腹內有鼠爛下血方

白蕪荑

椿樹東行根

狼牙根

貫衆

蝟皮炙

雄黃半

白鯨魚炙

槐東引根白皮

右細末臘月猪脂和一九彈子大縮裹納下部

**丹**痔漏腸漏竅用赤石脂白赤脂枯礬黃丹腦子塞之

**本**治腸風痔漏用鯽魚一箇破開去腸入白礬令滿合之

瓦上燒過爲細末用雞毛捲藥傅之立効

治痔漏瘡方

雞子一個煮熟去黃取白切妙

白礬明者如皂角子大

右爲末先用溫湯洗淨拭乾用紙捻點藥送入瘡孔內

立効日三易

右治痔漏下血如虛血必兼服黑地黃丸乃妙

**鱗**鱗甲燒一兩存性肉豈蔻仁三箇同爲末米飲調二

錢服治氣痔膿血甚者刺蝟皮一兩燒服中痛即已不必

受怒則發者調氣

盡劑

運氣

秘方

運氣痔發皆屬寒經云太陽之勝痔瘡發治以苦熱是也  
四治痔神應散治五種腸風下血上廁糞前有血名外痔  
糞後有血名內痔大腸不收名脫肛穀道四面有努肉名  
爛痔痔頭上有孔漏出名腸風並治之

黃牛角鯁

一枚酒中  
者鯁碎

蛇蛻皮

一條  
白者猪牙皂角

穿山甲片

刺蝟皮一兩  
封

右五味細剉入甕瓶內以黃泥封固候乾先用小火燒  
令烟出後用大火煨令通赤爲度取出攤開候冷搗羅  
爲末服時先令患者臨卧時細嚼胡荽仁一個如糊用  
無灰好酒一盞送下不可言語便睡至五更時以溫酒  
調下藥末三錢至辰時更進一服雖久年不過三服立  
効

治腸風痔漏如神大樹木上寄生葉取乾爲末酒服  
飲任下或九桐子大服三十九亦得

治五痔方蒼耳莖葉以五月五日採乾爲末水服方寸  
或九桐子大服之立効

洗法

洗痔瘡用荆芥朴硝桑寄生定痛解毒去風涼大腸熱安  
胎如腫者加五倍子木鱉子研細調傅 又方五倍朴硝  
桑寄生蓮房水煎先薰後洗一方加百藥煎洗

淋洗法

天仙子

荆芥穗

小椒

蔓荊子

右水煎湯洗

本薰洗痔方用枳殼不拘多少爲末每用二錢水一盞砂  
瓶內煎令沸先去瓶嘴上坐薰後却瀉出通手熱洗妙

又痔亦  
妙除根



**世**洗痔方輕者用朝東馬齒莧劉寄奴濃煎湯薰待溫却  
用干洗拭乾薰者加大青葉梗乾者一半同煎  
**丹**痔痒用灰莧帶根濃煎湯先薰後洗 又方取河水頻  
洗用蝸牛塗之

敷貼法

**經**痔漏用健牛兒膽蝸膽各一個膩粉五十文麝香二十  
文將蝸膽汁膩粉麝香和勻入牛膽內懸於簾前四十九  
日孰旋取爲丸如大菱角急送入瘡內後追出惡物日三  
驗候瘡口漸合用生麪蓋瘡內一偏出惡物妙

**丹**一方治痔用雄鷄膽片腦和勻帖之 一方熊膽塗之  
神効

**世**治痔用活蜈蚣一條以香油一小罐浸之陳愈妙傳之  
累驗

**無**貼痔法

蜀葵子

兩

蟬蛻

五

檳榔

一

兩

右用末三枚取肉研細搜和藥末如覺硬滿少容

膏量大小貼於病處

**羅**蒲黃散治下部痔漏

蒲黃

血竭

兩

右爲細末每用少許貼於患處

**羅**治痔疾有頭如雞冠者用黃連末傅之即瘥更加赤

小豆末尤良

方用黃連末傅

煎法

**羅**煎痔法

蠟皮

切方三指大

雄黃

兩

熟艾

一

兩

右爲末用瓦器以灰實一半如燒香法安長桶內坐其

上薰之烟氣從口出爲佳凡三度薰永瘥勿犯風冷已

鷄肉毒物

薰痔方用鼠郎皮一味瓶內燒烟坐身於瓶上薰三五次除根

枯痔法

痔方赤脚蜈蚣一條香油煎酥紙上搥乾加乳香二錢沒藥二錢麝香粉霜各五分人指甲五錢泥裏煨乾脆爲末用鵝毛管盛藥吹上如有水即時出盡不疼其物結一硬丁用線繫在上搥落之

羅治痔神効

雄黃

硫黃

明礬各等分

右爲末新盞盛藥先入礬末一半在底次入餘藥又將礬末一半蓋上用火煨候礬枯爲度出火弄研末津液調傅乾落爲度後用石膏五倍子爲末收瘡口

周先生枯痔法

明礬

赤石脂五錢

辰砂痛加一錢

黃丹

右爲末先用鹽金末護肛門如無鹽金用姜黃末代  
調塗四圍好肉如不就加棗豈粉打合却將枯藥傅上  
如肛門疼急濃煎甘草湯放溫拂四圍肛門上就與寬  
腸藥

槐花

大黃

枳殼

木通

連翹

瞿麥

當歸

右半酒半水煎

枯藥早晨上一次日午一次洗去舊藥申時又洗去又上  
一次如要急安至夜半子時又洗上一次至次日且看痔  
頭淡淡黑色兩三日如烏舞四五日內用竹篋子輕輕敲  
打痔頭見如石堅至七八日便住更不須上枯藥且待自  
然如蘿藦根乃脫去也洗用甘草荆芥槐花洗去舊藥方  
上新藥 凡醫痔之法且如明日要下手今日先與此藥

所以寬大腸使大便軟滑不與痔相碍且不泄瀉痔頭未脫落者須要日日與之以大黃一兩煨枳殼炒當歸酒洗一兩同爲細末如桐子大好酒吞下 治枯痔頭慮生他証凡用枯藥或觸壞腎根或水道赤瀉痛與此方大黃木通生地各一兩滑石瞿麥各半兩同爲細末每用四錢煎服 催痔方如枯盡未脫落以此催之好磁石一錢白姜蚕生川烏五分同爲細末冷水調傅上立脫 凡用枯藥去盡乳頭恐留痔硬頭損破肛門四圍成瘡用此藥龍骨一錢石膏一錢沒藥五分膩粉五分同研十分細先以荆芥湯洗次摻之切忌毒物生姜 痔脫後用甘草湯豈豉湯洗再用荆芥五倍子煎水洗便不生膿 治痔脫後肉痒方用大粉草濃煎湯洗 收腸方凡用枯藥脫下乳頭隨即與此以收其腸此方補氣又收膿去血生肉令痕壯

人參

當歸

川芎

甘草

白芷

防風

厚朴

桔梗

桂枝

黃芪

右細末半酒半水煎如惡酒者酒少水多煎之夏月減

桂朴加苓栝

鑿痔法

經治痔瘻有頭方用芫花入土根不限多少以淨水洗却

入木臼搗用少許水絞取汁於銀銅器內慢火熬成膏將  
絲線於膏內度過繫痔繫時微痛候心燥落時以紙燃引  
入膏藥於竅內永除根未落不得使尿

割痔法  
周先生割痔藥

川烏

草烏尖

胡椒

吳茱萸

花椒

白姜蚕

炒

右細末酒調傅四邊然後割之又以此藥傅之否則亦

用麝香龍骨塗之

右枯痔繫痔割痔三法用前藥服及敷貼不退者然後用之必故謹之不可視爲常法

**蝕痔法**

**本**治痔漏此因大腸感風熱而生

生砒字

水銀一粒如

粉字

麝香一粒如

小豈大

右件並入乳鉢內研極細如痔如有珠子者將礬湯淨

洗拭乾用手燃藥指在痔上覺痒便是藥行一日二次

又洗五日後住藥見効如或有孔只用紙燃引藥送入令徹其內更用紙貼孔前一日二次使藥自能生全陳

擇云忌用生砒心毒氣入  
職令所存之以治殊實者

針灸

針灸痔獨取足太陽經云足太陽之脈所生病者痔瘡視

盛虛熱寒陷下取之蓋後世取承山穴者是也

其二論督脈而不見其取法經云督脈生病癢痔蓋後世

取長強穴是也

**四**治痔瘡大蒜十片頭垢捏成餅子先安頭垢餅於痔上外安蒜片以艾灸之

**五**唐峽州王文顯充西路安撫司判官乘騾入路谷有痔疾因此大作其狀如胡瓜貫於腸頭熱如溱灰火至驛便仆主驛吏云此病予曾患來須灸即瘥用柳枝濃煎湯先洗痔便以艾炷其上連灸三五壯忽覺一道熱氣入腸中因轉瀉鮮血穢物一時出至痛楚瀉後遂失胡瓜所在登騾而馳去

**五**痔漏下血裡急後重或痒或疼

二白在掌後橫紋上四寸手厥陰脈兩穴相並一穴在兩筋中一穴在大筋外針入三分瀉兩脈

長強

針穴二寸大瀉方

**五**灸法

長強

一寸大瀉方到穴瀉三吸如灸可七壯雖久不愈者亦効



又法

脊骨凸處與臍平對是穴

灸七

承山

二十半補  
一呼如灸

社

**甲**痔篡痛承筋主之 痔篡痛飛陽及委中扶承主之

痔痛橫竹主之 痔痛會陰主之 痔與陰相通者死

陰中諸病前後相引痛不得大小便會陰皆主之 痔骨

蝕商丘主之

**無**腸痔爲痔如大澤中有小山突出爲痔人於九竅中凡

有小肉突出皆曰痔不特於肛門邊生有鼻痔眼痔牙痔

等其狀不一方書分出五種曰牡曰牝曰脈曰腸曰氣牝

痔者肛邊生瘡腫突出一日數枚膿潰即散牡痔者肛邊

發露肉珠狀如鼠妳時時滴潰膿血脈痔者腸口顆顆發

瀰且痛且痒出血淋漓腸痔者腸內結核有血寒熱往來

登溷脫肛氣痔者遇恐怒則發肛門腫痛氣散則愈又有

忌

酒痔每遇飲酒發動瘡腫痛而流血血痔則每遇大便清血隨下而不止宜解熱調血順氣為主若久不愈必至穿穴爲漏矣

治痔切勿用生砒毒氣入腹反至奄忽忌喫生冷硬物冷菜之類及酒濕麵五辣辛熱大料物及乾姜之類犯之無効此東垣格言也

醫學綱目卷之二十七